

Tunngaviusumik atuarfiit namminersortitat angerlarsimaffimmilu atuartaaneq il.il. pillugit Inatsisartut inatsisaata allanngortinnissaa pillugu Inatsisartut inatsisaat (Tapiissutit naatsorsorneqartarnerat, PPR aamma annertusisamik immikkut atuartsineq il.il. pillugit kommunip nassuiaataanut tunngatillugu sunniutit allannguutaat)

§ 1

Tunngaviusumik atuarfiit namminersortitat angerlarsimaffimmilu atuartaaneq il.il. pillugit Inatsisartut inatsisaanni nr. 10, 15. april 2003-meersumi, Inatsisartut inatsisaat nr. 16, 20. november 2006 aqutugalugu allanngortinneqartumi, allannguutit makku ilanngunneqassapput:

1. § 4, imm. 2 imatut oqaasertalerneqassaaq:

"Imm. 2. Kommunimi tunngaviusumik atuarfiup namminersortitap najugaqarfiani kommunalbestyrelse atuartunut tunngaviusumik atuarfimmil namminersortitami atuartunut akeqanngitsumik perorsaanermut tarnillu pissusaannut tunngatillugu siunnersuisassaaq."

2. 14, imm. 3-p kingorna ilanngunneqassaaq:

"Imm. 4. Tunngaviusumik atuarfinni namminersortitani atuartut amerlassusaasa ikinnerpaaffilerneqarnissaat pillugu Naalakkersuisut maleruaqqusaliorsinnaapput, taamaattoq tak. § 23 aamma § 29".

3. § 16, imm. 1-imi imm. 2 imatut oqaasertalerneqassaaq:

"Atuatumut ataatsimut tapiissutit 2013-imi qaffasissusaat 32.000 kr.-upput. Kommuninut ataatsimoortumik tapiissutit aqutigalugit aningaasarsianik akinillu aqqiisarneq assigalugu tapiissutit ukiut tamaasa naleqqussarneqartassapput."

4. § 16, imm. 2 imatut oqaasertalerneqassaaq:

"Imm. 2. Kommunip tunngaviusumik atuarfiup namminersortitap najugaqarfia annertusisamik immikkut atuartsinermut allatullu immikkut perorsaanermi siunnersuineranut, atuatumut perorsaanermut tarnillu pissusaannut tunngatillugu siunnersorneqarnissamik innersuunneqartariaqarsimasumut, aningaasartuutit akilerallassavai, tak. § 4, imm. 2."

5. § 28-p kingorna ilanngunneqassaaq:

"§ 29. Maleruaqqusat § 14, imm. 4 naapertorlugu aalajangersarneqartut, maleruaqqusat

atuutsinneqalernerisa kingorna atuarfinnut pilersinneqartunut, taamaallaat sunniuteqassapput.”

6. Inatsimmi tamarmi oqaaseq “Landsstyret” imatut allanngortinneqassaaq: “Naalakkersuisut”.

§ 2

Inatsisartut inatsisaat atuutilerpoq ullormi 1. januar 2013.

Namminersorlutik Oqartussat, ulloq 3. december 2012

Kuupik Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut